

PRESS RELEASE

Tun hnaiah Social Media (WhatsApp) lamahte leh ni tin chanchinbu, Vanglaini leh Aizawl Post-ah te ZPM Legislature Party leader, MLA zahawm tak, Pu Lalduhoma statement siam tih chhuah a ni a. He statement tih chhuahah hian Covid do nana hman theih mai sum tam tak (₹ 882.37 crore lai) Sorkarin nei anga a tarlan avangin mipuite leh Sorkar hnathawkte ngei pawh an rilru sùkthlêk a hruai danglam thei a. Covid do nana sum thawh chungchangah mite inpêkna thlenga a nghawng theih avangin Sorkar chuan sawifiah thain a hria a ni.

1 Sum hmuhna a han sawite kha a dik tlangpui a, LESDE aṅanga ₹ 21 crore Sorkarin hmu anga a sawi kha chu a dik tawk lo a. LESDE aṅang hian FCS&CA department chuan ₹ 6.41 crore a hmu a. Hei hi AAY, PHH leh MBOCWWB member-te leh Task Force thenkhat te'n mi harsa zual nia an sawite hnena, a thlawna ration buhfai pek nan hman nghal a ni. Tin ₹ 14.88 crore zet chu MBOCWWB hnuiaia member, in register mi 49598 te account-ah ₹ 3000 zela chhun luh a ni a, a hranpain Sorkarah chhun luh a ni lo. Hemi chungchang hi Government pawhin thuchhuah siamin April 24, 2020 khan a lo sawifiah tawh nghe nghe.

2 Sum lut tihtham tak a awm lai hian, a hmanna pawh a tam tawk ang tih hriat tur a ni a, hengte hi tun hnaia sum hmanna lian tham langsar zualte chu an ni.

a.	March 25, 2020-ah Loan repayment-na atan	- 54.00 cr
b.	April 28, 2020-ah Loan repayment-na atan	- 100.00 cr
c.	March 2020 Salaries and Pension(Net), April 2020 thlaa pek	- 328.00 cr
d.	April 2020 Salaries and Pension (Net), April thlaa pek tho	- 332.46 cr
e.	Company hrang hranga Power leina sum pek chhuah	- 76.04 cr
f.	Buhfai leina	- 19.15 cr
	TOTAL	- 909.65 cr

Heng aṅang ringawt pawh hian sum hman chhuah hi a tam tawk tih a hriat theih a ni.

3. Heng bakah hian sum hmuhna a tarlan thenkhat National Bamboo Mission Fund-te hi Approved Action Plan anga hman tur a ni a, Covid do nana lo pawh-pen theih a ni lo. Tin, SDRF ₹ 23.50 crore kum 2020-21 atana 1st instalment lokal hi disaster kaihnhawih hrang hrangah hman tur a ni a, Covid do nan hian engzat nge hman theih tih hi la tihchian a ni lova, ₹ 7.28 crore vel hman theih beisei a ni.

4. NEC aṅanga ₹ 3 crore hmuh hi Covid do nana hman tur niin, a hmanna tur pawh ruahman fel vek tawh a ni a, hman chhuah thuai tur a ni.

Hetiāng a nih avang hian Sorkar sum hmuh ₹ 882.37 crore, MLA zahawm takin ala awm anga ngaih theih tura a sawi hi a tak takah chuan heng sum aṅang hian tam tak pek chhuah tawh a ni a, a sum faia la kawl ṭeuh emaw, Covid do nana hman ṭeuh tur emaw a awm hranlo a ni.

Issued by Finance Department, *Economic Affairs Branch*, Government of Mizoram